

ex Palatinorum Sociorum munere, quod lubenti animo sisto; perpetuum namque in eo nobilium filiorum amoris pignus contemplabitur, & quale à parentis institutione fuerat expectandum; exquisita scilicet literarum studia, quibus tanta in banc usque diem nostratibus, exterisque historiarum copia parata est, ut gaudio quandoque fuerit non interitura Palatinorum memoria. Quòd si ab utilitate, à diuturno labore, atque ab elegantia habeatur operis aestimatio, non indignum amplissima Civitate, cultisque in omni scientiarum genere Civibus & donum hocce reputabitur; numeris enim omnibus respondet Mediolanensis disciplinae genio, cui nil nisi solidum & robustum, & nisi cum ingenua simplicitate venustas probatur: quamobrem in publicam laudem hæc esse cessura nemo negaverit, nisi qui pretium solidioribus studiis ademerit, & more pecudum sola rerum præsentia, cæcoque impetu actus, præteritarum recordationem fastidiverit. Neque deerit in commune Italarum, aliarumque gentium commodo ex libris nostris, & privatim EXCELLENTISSIMÆ URBS totiusque Insubriæ; multa enim vetusta Regionis hujus monumenta collegimus, quæ hætenus in tenebris, peritura fortasse, delituerant. Hæc inter Petri Azarii Chronicon, quod in hoc Tomo continetur, Scriptoris pro infelicitate sæculi sui præstantissimi, qui res à Vicecomitibus Principibus aliquot gestas fide sincera memoriæ tradidit, ac ignoti Auctoris Mediolanenses Annales, hætenus inediti, qui Azarium